

- sus slief er unze des morgens vruo.
dô erwachete der wîgant.
einhalb der kemenâten want
5 vil venster hete, dâ vor glas.
der venster einez offen was
gegen dem boumgarten.
dar in gie er durch warten,
durch luft und durch der vogel sanc.
10 sîn sitzen wart dâ niht ze lanc.
Er kôs eine burc, die er des âbents sach,
dô im diu âventiur geschach,
vil vrouwen ûf dem palas,
manegiu under in vil schœne was.
15 ez dûht in ein wunder grôz,
daz die vrouwen niht verdrôz
ir wachens, daz si sliefen niht.
dennoch der tac was niht ze lieht.
er dâhte: »ich wil in zêren
20 mich an slâfen kêren.«
Wider an sîn bette er gienc.
der meide mantel übergienc
in – daz was sîn decke.
ob man in dâ iht wecke?
25 nein, daz wære dem wirt leit.
diu magt durch gesellecheit,
al dâ si vor ir muoter lac,
si brach ir slâf, des si pflac,
unt gienc hin ûf zir gaste;
30 der slief dennoch al vaste.

dô sl. *T

entwachete *G (nur G)

vil v. dâ vor heten (venster heten da vor I) gl. *T (I)

sîn s. w. dô n. l. *G (nur GL) · dâ was sîn s. harte unlanc. *T

daz d. *T

was n. (niht was O) sô l. *T

der megede m. umbevienc ([*]: vmbevieng V) *T (ohne O)

des si dâ (e V Z) pf., *T (ohne O) (Z)

hin (om. Fr23) zuo ir g.; *G

*D: D *m: m (mit 553.2¹⁻²) *G: G I L Z Fr23 (553.28–30) *T: T V (mit 553.2¹⁻²) O

1 Überschrift: Hie hat her gawan Lishois gwellius gevangen Vnd hat in ge geben einem feren Vnd hat in der ferie die naht behalten vnd tvt im gvtlich vnd wol dar nach so lese man wie ez im fvr baz ge Z · Prachtinitiale D · Initiale G L Z T V O **2**¹ Illustration mit Überschrift: Aufentûr von schachtel marfeilie m · Initiale m **11** Initiale I · Majuskel D **21** Majuskel D

2 nach 553.2: Der (Wer V) nû welle, der verneme, / ob im sîn muot des (om. m) gesteme. / hie slîchet ein âventiure her / – des bin ich Gawanes wer –, / die brüefet man zuo solicher (sollicher art m) nôt, / der (Die m) niht gîchet wan der tût. / si pfliget angestîcher sit, / doch vert dâ pris und êre mit, / wem aldâ gelînget; / dar nâch (om. V) si vrôude bringet. / nû mîn (mim m) hêr Gawan gepflac / guoter ruowe unz an den tac. *m (V) **9** durch luft und durch den vogel gesanc. *m **20** von hinnen kêren.« *m **28** †brâht† (Brach L) ir slâf, des si ê (om. L) pflac, *m (L) **29** und gienc (lief V) hin zuo dem gaste; *m (V)